



# Farqona haqiqati

Ijtimoiy-siyosiy, ma'naviy-ma'rifiy gazeta



<http://farhaqiqat.uz/>



[t.me/farhaqiqati](https://t.me/farhaqiqati)

## ФАРҒОНА ДЕЛЕГАЦИЯСИ ТАТАРИСТОНДА

Фарғона вилояти ҳокимлиги Ахборот хизмати хабарига кўра, шу кунларда вилоят ҳокими Хайрулло Бозоров бошчилигидаги Фарғона делегацияси Россия Федерациясининг Татаристон Республикаси пойтахти Қозон шаҳрида бўлиб турибди. Бу ерда Ўзбекистон – Россия ҳудудлараро ҳамкорлик бўйича III форум ўтказилмоқда.



2



## МАТБУОТ ХИЗМАТИГА



## МАТБУОТ

Аслида, барча ОАВ вакиллари, шунингдек, ижтимоий тармоқда ўзининг холис ва адолатли сўзини айтмоққа ҳаракат қилаётган инсонларнинг эзгу мақсади, ёруғ нияти битта: у ҳам бўлса, шу озод Ватанимизнинг нурли келажаги, истиқболи, тараққиёти, Президентимиз таъбири билан айтганда, жонажон халқимизни рози қилишдир. Демак, бу жабҳада тоифа ёки тарафларга ажратиш яхшиликка олиб бормайди.



5

ГУАН ЖИЮ:

ЎЗБЕКИСТОН – ИНВЕСТИТОР УЧУН  
ЭНГ ҚУЛАЙ МАМЛАКАТ



4



Убайдулло қори АБДУЛЛАЕВ:

“ЖИНОЯТ ВА ГУНОҲНИ  
ТЎХТАТИШ, ХАБАР  
БЕРИШ – ФАРЗ!”



7

## Ўзаро ҳамкорлик:

## Фарғона делегацияси Татаристонда


(Бошланиши 1-бетда).

Мазкур анжуманни ўтказишдан мақсад – Ўзбекистон ва Россия ҳудудлари ўртасида тўғридан-тўғри ишбилармонлик алоқалари ва амалий ҳамкорлик қўламини янада кенгайтириш ва мустаҳкамлашдан иборат бўлиб, унда вилоятимизнинг 30 нафарга яқин тадбиркорлари ҳам иштирок этишмоқда.

Форум доирасида транспорт-логистика, саноат кластерлари, туризм соҳаларида ҳамкорликни янада ривожлантириш ҳамда ёш тадбиркорлар ўртасида ўзаро алоқаларни кенгайтириш мавзуларида сессиялар, “Россия ва Ўзбекистон: тараққиёт учун янги имкониятлар” мавзусида кўргазма ташкил этилиши кўзда тутилган.

Ўтган куни форум доирасида умумий қиймати 362 миллион АҚШ доллари бўлган 71 та инвестициявий келишув ва савдо шартномалари, жумладан, умумий қиймати 104 миллион доллар бўлган 20 та инвестицион келишув ҳамда 258 миллион долларлик 51 та савдо шартномаси имзоланди.

Анжуман давомида Фарғона вилояти ҳокимлиги билан Россия Федерациясининг Бошқирдистон Республикаси ҳукумати ўртасида ҳамкорликни ривожлантириш бўйича 2023–2025 йилларга мўлжалланган чора-тадбирлар режалари имзоланди. Унда қўшма инвестицион лойиҳалар ишлаб чиқиш, тадбирлар ўтказиш, маҳсулотлар етказиб беришни ташкил этиш, таълим, туризм, маданият ва



миграция соҳаларида ҳамкорлик каби жиҳатлар ўрин олган.

Свердловск вилояти губернатори ўринбосари Дмитрий Ионин ҳамда Челябинск вилояти губернатори ўринбосари Иван Куцевляк билан ўтказилган учрашувларда эса мавжуд келишувлар доирасида ҳамкорликни янада ривожланти-

риш масалалари муҳокама қилинди. Шунингдек, Санкт-Петербург маъмурияти халқаро алоқалари қўмитаси раҳбари Евгений Григорьев билан мулоқотда Фарғона ва Санкт-Петербург ўртасида кенг қўламли ҳамкорликни йўлга қўйиш бўйича “йўл харитаси” ишлаб чиқишга келишиб олинди.

## “Ташаббусли бюджет”:

Кўп йиллик муаммоларга  
ИЖОБИЙ ЕЧИМ

Жорий йилги “Ташаббусли бюджет” лойиҳасининг иккинчи мавсумида Ўзбекистон туманида умумий қиймати 7 миллиард 920 миллион сўм бўлган 6 та лойиҳа ғолиб бўлди. Жамоатчилик томонидан илгари сурилган таклифларнинг 243 таси овоз бериш босқичига ўтказилди. “Қумбосди”, “Тинчлик”, “Тева Товуш”, “Пастки Товуш”, “Қайнар”, “Оқмачит” каби маҳалла фуқаролар йиғинларидаги ички йўлларни таъмирлаш билан боғлиқ харажатлар овоз бериш йўли билан ғолиб топилиб, мазкур таклифлар молиявий қўллаб-қувватланадиган бўлди.

Айни кунларда ташаббуснинг аввалги босқичида ғолиб топилган лойиҳалар доирасида олиб борилаётган қурилиш, бунёдкорлик ишлари ниҳояланмоқда.

“Даштчўлпон” маҳалла фуқаролар йиғини ҳудудида жойлашган 30-сонли давлат мактабгача таълим ташкилоти “Ташаббусли бюджет” лойиҳаси доирасида мукамал таъмирланиб, фойдаланишга топширилди. Сифатли таълим-тарбия олиш учун барча шароитлар муҳайё қилинган муассаса болажонлар учун ўз эшиklarини қайтадан очди.

Бино 1993 йилда бунёд этилган. Масканда муносиб ва замонавий шарт-шароитлар яратиш бўйича илгари сурилган ташаббус 2 мингтадан кўп овоз олди. Унга бюджетдан 1 миллиард 200 миллион

сўм маблағ йўналтирилди. Натижада эски боғча биноси мукамал таъмирланиб, янги ва замонавий кўринишга келтирилди. 10 та гуруҳда тарбияланаётган 250 нафар болалар ва уларнинг тарбиячи-устозлари учун муносиб шароитлар яратилди.

Тумандаги 60-сонли давлат мактабгача таълим ташкилотиди “Ҳотамтой” маҳалла фуқаролар йиғини ҳудудидаги 200 нафар болажонлар тарбияланади. 1978 йилда барпо этилган бинонинг инфратузилмасини яхшилашга оид таклифлар “Ташаббусли бюджет”нинг биринчи мавсумида илгари сурилиб, 3 мингтадан зиёд овоз тўпланди. Лойиҳа ижроси учун 1 миллиард 200 миллион сўм маблағ йўналтирилди. Олиб борилган бунёдкорлик-таъмирлаш ишлари доирасида

муассаса замонавий кўриниш олди. Эътиборлиси, даргоҳда қўшимча гуруҳлар ташкил этилиб, мактабгача таълимга қамраб олиш имконияти ортди.

– “Ташаббусли бюджет” лойиҳаси фуқароларнинг ижтимоий фаоллигини ошириш ва жойлардаги муаммоларни қисқа муддатда ҳал этишнинг самарали ечими сифатида хизмат қилмоқда. Шу пайтга қадар 40 дан ортиқ лойиҳа ғолиб топилди. Хусусан, биринчи мавсумда биргина туман соғлиқни сақлаш соҳаси ривожига билан боғлиқ 3 та лойиҳа учун 3,3 миллиард сўм маблағ йўналтирилди, – дейди туман ҳокими Шерзоджон Юлдашев. – Шу маблағ ҳисобидан туман тиббиёт бирлашмасига 1 миллиард 100 миллион сўмлик энг замонавий тиббий ускуналар келтирилди. Эндиликда ошқозон-ичак касалликларини аниқлаш учун ФГДС ҳамда 2 та кўчма УТТ замонавий ускуналар халқ саломатлиги йўлида хизмат қилади. Шунингдек, 1 миллиард сўмлик лойиҳа асосида қабул-диагностика бўлими фаолиятини янада такомиллаштириш мақсад қилинмоқда.

Шу кунларда туман сил касалликлари диспансери учун

янги бино барпо этилмоқда. Унга 1 миллиард 200 миллион сўм маблағ йўналтирилди. Намунавий лойиҳа асосида қад ростлаётган 2 қаватли янги бинонинг қурилиш ишлари “Independent broker” хусусий корхонаси бунёдкорлари томонидан амалга оширилмоқда.

“Ташаббусли бюджет” лойиҳаси асосида тумандаги таълим муассасалари ҳам кўркам ва замонавий қиёфа касб этмоқда.

“Шакаробод” маҳалла фуқаролар йиғини ҳудудидаги 10-умумтаълим мактаби 1974 йилда қурилган. 2005 йилда жорий таъмирдан чиқарилди. Очiq овоз беришда эришилган ғолиблик натижа-сида масканди 1 миллиард 200 миллион сўмлик таъмирлаш-бунёдкорлик ишлари ба-жарилди.

60-умумий ўрта таълим мактаби ҳам айни дастур доирасида мукамал таъмирланди. Қашқар ва Телов қишлоқларида яшовчи ўқувчилар таълим оладиган 200 ўринли билим масканининг инфратузилмаси билан боғлиқ муаммолар педагоглар жамоаси, ота-оналар ва маҳалла фаоллари кўрсатган ташаббус натижасида бартараф этилди.

Лойиҳа доирасида бюджет-

дан ажратилган 1 миллиард 200 миллион сўм маблағ эвазига “Боний қурувчи” МЧЖ қурувчилари томонидан эски мактаб биноси янги ва замонавий кўринишга келтирилди.

“Қораёзбобо” маҳалла фуқаролар йиғини ҳудудидаги 15-умумтаълим мактаби 410 ўринга мўлжалланган бўлса-да, ҳозирда 880 нафар ўқувчилар таълим олмоқда. Ўқув хоналари етарли эмас. “Ташаббусли бюджет” лойиҳаси айни муаммога ижобий ечим бўлди. Ўзаро бирдамлик ва фаоллик натижасида ушбу таклиф учун 4 мингдан ортиқ овоз тўпланди. Айни кунларда “Қўқон қурилиш замини” масъулияти чекланган жамияти бунёдкорлари томонидан билим маскани учун 120 ўринли янги ўқув биноси қад ростла-моқда.

Бир сўз билан айтганда, жамоатчилик фикри асосида шаклланган “Ташаббусли бюджет” лойиҳаларига ажратилаётган маблағлар кўп йиллик муаммоларнинг ижобий ҳал этилишга қаратилган оқилона ечим сифатида устувор аҳамият касб этмоқда. Қолаверса, одамларнинг бунёдкорлик ишларига бўлган муносибати ўзгармоқда.

Муаттар МАҲМУДОВА.





**Ислохот:**

# ТАДБИРКОРЛАР ИШСИЗЛАРНИ МУҚИМ ИШ БИЛАН ТАЪМИНЛАМОҚДА

**“20 минг тадбиркор – 500 минг мутахассис” дастури доирасида Данғара туманида кенг қамровли ишлар амалга ошириляпти**

**Кичик бизнес ва хусусий тадбиркорлик мамлакатимиз иқтисодиётининг устувор йўналиши ҳисобланади. Шу боисдан ҳам тадбиркорларни ҳар томонлама қўллаб-қувватлаш, уларга қулайлик ва имкониятлар, имтиёзлар яратиш борасида зарур чора-тадбирлар амалга оширилмоқда.**

Президентимиз тадбиркорлар билан очик мулоқотда бешта асосий йўналишни кўрсатиб, кичик бизнесга янги имкониятлар яратиш, ўрта бизнесга оид ташаббусларни илгари суриш, янги бозорларга сифатли ва рақобатбардош маҳсулотлар билан кириш, юқори даромадли корхоналарни кўпайтириш, солиқ маъмурчилигини содда-лаштириш, бюрократияни йўқ қилиш масалаларига алоҳида эътибор қаратди.

Туманимизда тадбиркорлик муҳитининг яхшиланиб бораётгани, аёллар ва ёшларни тадбиркорликка ўқитиш, уларга ҳар томонлама кўмаклашиш ва яратилган имкониятлар тўғрисида янги тадбиркорлик субъектлари сони кўпайиб, уларнинг фаолияти кенгайиб бормоқда. Ички ва ташқи бозорда ўз брендига эга тадбиркорларимиз сафи ортмоқда.

Йилнинг ўтган 9 ойи давомида “Ёшлар дафтари”га киритилган 301 нафар ёшлар ва “Аёллар дафтари”да рўйхатда турган 157 нафар хотин-қизлар тадбиркорлик асосларига ўқитилди.

Тадбиркорларни палата аъзолигига жалб этиш, уларнинг ҳуқуқ ва манфаатларини ҳимоя қилиш, зарур бўлганда ёрдам кўрсатиш ва қўллаб-қувватлаш ишларига алоҳида эътибор қаратилмоқда. Йил бошидан бери 997 та тадбиркорлик субъектлари билан палатага бепул аъзолик бўйича шартномалар тузилди.

Туманимизда 46 та маҳалла фуқаролар йиғини мавжуд

бўлиб, шундан 14 та маҳалла “яшил”, 10 та маҳалла “сарик” ҳамда 22 та маҳалла “қизил” тоифаларга ажратилган. Аҳоли бандлигини таъминлаш ҳамда камбағалликни қисқартириш учун “20 минг тадбиркор – 500 минг мутахассис” дастури доирасида ишлар олиб борилмоқда. Шу мақсадда туманда 54 нафар илғор тадбиркорлар, шундан 28 нафари савдо-саноат палатаси аъзоси, саралаб олинган бўлиб, 3328 та янги ишчи ўрни яратилиши белгиланган.

Танлаб олинган тадбиркорлар фаолиятини ривожлантириш, янада кўпроқ иш ўрни яратиш учун тўсиқ бўлаётган муаммоларни бартараф этиш мақсадида туманда иқтисодий комплекс таркибига кирувчи ташкилотлар раҳбарларидан иборат штаб тузилган.

Савдо-саноат палатаси туман бўлимига 4 та – “Чинобод”, “Олтиқуш”, “Қорақўрпа”, “Телеминг” маҳалла фуқаролар йиғинларидаги 7 нафар тадбиркорлар бириктирилган. Мақсадимиз уларнинг муаммоларини ўрганиб ҳал этиш, фаолиятини кенгайтириш ва ривожлантиришга кўмаклашиб, 284 нафар фуқароларни касб-хунарга ўқитиш ҳамда доимий иш билан таъминлашдир.

Тадбиркорлар муаммолари жойига чиқиб ўрганилганда, “Ника” хусусий корхонаси қурилиш ишларини амалга ошириши учун 10 сотих ер майдони ажратиш зарурлигини маълум қилди. Тадбиркор му-



аммосини ижобий ҳал этиш мақсадида ҳозирда унга ер ажратиш жараёни кетяпти. Қурилиш ниҳоясига етиб, лойиҳа ишга тушгач, бу ерда 200 та ишчи ўрни яратилади.



**Туманимизда 22 нафар тадбиркор “20 минг тадбиркор – 500 минг мутахассис” дастури доирасида сертификат олган. Ҳозирда маҳаллалардаги ишсизларни иш билан таъминлаш чоралари кўрилмоқда. Бу борада “Реал кабель инвест” масъулияти чекланган жамияти, “Рафера плюс” хусусий корхонаси, “Аюбхон текстил” ва “Қ-Барт” масъулияти чекланган жамиятлари фаол иш олиб бормоқда. Уларнинг ҳар бирида ҳозиргача 52 ва ундан ортиқ иш ўринлари яратилди. Бу йўналишда ишлар давом этяпти.**

Йилнинг январь-сентябрь ойларида сектор раҳбарлари томонидан 24 марта тадбиркорлар қабули ўтказилди. Уларда 245 нафар тадбиркор иштирок этиб, 142 та мурожаат жойида ҳал этилди. 103 та мурожаат рўйхатга олинди, уларнинг 79 таси ижобий ечим топди, 24 тасига қонуний ту-

шунтиришлар берилди.

Ҳозирга кунда туманда фаолият кўрсатаётган кичик бизнес субъектлари сони 2003 тани ташкил этади. Уларнинг 5 таси йирик корхоналар, 43 таси ўрта ва 187 таси кичик корхоналар, 1768 таси микрофирмалардир. Саноат йўналишида 29 та, қишлоқ хўжалигида 7 та

экспортёр корхоналар мавжуд. “Бекнур класс”, “Интеза экспо”, “Водий экспо”, “БИГ фамили” ва “Мусаввар” масъулияти чекланган жамиятлари хорижга энг кўп маҳсулот сотган корхоналар қаторида туради.

Савдо-саноат палатаси туман бўлими томонидан маҳаллалардаги ҳоким ёрдамчилари билан ҳамкорликда Президентимиз қарор ва фармонларига асосан тадбиркорликни ривожлантириш, тадбиркорларга яратилаётган имтиёзлар юзасидан тушунтириш ва тарғибот ишлари олиб бориш билан бирга уларга маслаҳат ва амалий кўмак бериб келинмоқда. “Авазхон Азизхон текстил” масъулияти чекланган жамияти тугатилиш жараёнида фаолияти қайта тикланди. Ишлаб чиқариш учун жой, имтиёзли кредит ажратилиши ва берган маслаҳатларимиз билан ҳозирда ўз ишини йўлга қўйиб, 20 нафар аёлни доимий иш билан таъминлади.

Иқтисодий қийин аҳволга тушиб қолган тадбиркорларнинг ҳуқуқ ва манфаатларини ҳимоя қилиш, муаммоларини ҳал этиш, кредит олишларида кўмаклашиш, ёшлар ва аёлларни тадбиркорликка ўргатиш, бошловчи тадбиркорларга маслаҳат ҳамда ёрдам бериш орқали кичик бизнес ва хусусий тадбиркорликни тараққий эттириш, мамлакатимиз иқтисодиётини, аҳоли турмуш фаровонлигини юксалтиришга ҳисса қўшиш асосий мақсади- миздир.

**Дониёр АБДУВАЛИЕВ,**  
Савдо-саноат палатаси  
Данғара туман бўлими  
бошлиғи.





2022 йилнинг ўзида Ўзбекистоннинг биргина Фарғона вилояти ва Хитой ўртасидаги ташқи савдо айланмаси 453,8 миллион АҚШ доллари ташкил этди. Унинг 80 миллион доллари “Фарғона Ясин цемент” корхонасига киритилган тўғридан-тўғри инвестиция эди. Натижада шу ернинг ўзида 400 та ишчи ўрни яратилди. Йилига 700 минг тонна цемент ишлаб чиқарилди. 2023 йилда эса яна 120 миллион доллар миқдоридан инвестиция киритилиб, корхона қуввати 2 миллион тоннага етказилди.



ГУАН ЖИЮ:

## ЎЗБЕКИСТОН – ИНВЕСТИТОР УЧУН ЭНГ ҚУЛАЙ МАМЛАКАТ

– Ўзбекистон хорижий инвесторлар учун энг қулай мамлакат, – дейди завод директори ўринбосари Гуан Жию. – Давлат раҳбари Шавкат Мирзиёев биз инвесторларга барча имтиёزلарни яратиб берган. Мен яқинда Президентнинг хорижий инвесторлар билан учрашувида иштирок этдим. Хомашё солиғи камайtirилганлиги бизни руҳлантириб юборди. Биз 400, 500 маркали цемент ишлаб чиқаряпмиз ва уни ички бозорга йўналтирганмиз. Чунки Ўзбекистонни улкан қурилиш майдони ҳам дейиш мумкин.

Дарҳақиқат, юртимиздаги бунёдкорлик миқёси шу қадар каттаки, бу каби корхоналар ҳам эҳтиёжни қоплай олмапти.

– “Фарғона Ясин цемент” корхонаси ишга тушганлиги сабабли мамлакатимизни сифатли цемент билан таъминлашга катта ҳисса қўшилди, – дейди корхона директори Эркинжон Маҳмудов. – Айтиш кунда Бешариқ ва атрофдаги туманларнинг 700 нафар ёшлари иш билан таъминланди.

Давлат яратиб берган имконият, маҳсулотга ички бозорда ўсиб бора-

ётган эҳтиёж тўғриси “Фарғона Ясин цемент” энди Тошкент вилоятида ҳам худди шу каби йилига 2 миллион тонна цемент ишлаб чиқарувчи завод қурилишини бошлади. Фарғонада эса қиймати 300 миллион АҚШ доллари-га тенг бошқа лойиҳага қўл урилди.

– Ҳозирда янги лойиҳа устида иш олиб бораёпмиз. Завод яқинидаги худуддан 800 гектар ер олиб, 500 МВт

қувватга эга қуёш электр станцияси қурилишига киришмоқдамиз, – дейди Эркинжон Маҳмудов.

Янги лойиҳанинг бир муҳим жиҳати бор: қуёш нурларидан ишлаб чиқарилган электр қувватининг учдан бир қисми корхона эҳтиёжларини тўлиқ қоплайди. Қолган қисмини эса атроф туманларда яшовчи аҳолига етказиб берилади.

Одатда цемент ишлаб чиқарувчи корхоналарнинг худудлари чанг-тўзон бўлар эди ва бундай манзарага баъзида рўбарў бўлганмиз. Аммо, “Фарғона Ясин цемент” корхонаси мусоффо осмон остида ишламоқда. Гап шундаки, корхонанинг чанг чиқарувчи қувурларига энг замонавий чангтуткичлар ўрнатилган.

Хитойлик инвесторлар ижтимоий лойиҳага ҳам эътибор қаратдилар. Фарғона шаҳрининг Қиргули мавзеида меҳмонхона, чўмилиш-дам олиш мажмуасини қуришмоқчи.

– Биз Ўзбекистонга, Фарғонага 2018 йилда катта ниятлар билан келганмиз. Қисқа вақт – 5 йилда 700 нафар маҳаллий ва юз нафар хитойлик ёшларга иш ўрни яратдик. Яқин йилларда ишчи-ходимларимиз 2000 нафардан ошади. Бундай натижаларга инвесторлар учун энг қулай Ўзбекистон қонунлари шароит яратди, – дейди Гуан Жию.

Муҳаммаджон ОБИДОВ.  
Элёр ОЛИМОВ олган  
суратлар.



## “LAVANTA TEXTILE” МАҲСУЛОТИ – ЭКСПОРТГА

Тадбиркор Носиржон Акрамов шу йилнинг апрель ойида “Ёзёвон” маҳалла фуқаролар йиғини ҳудудида “Lavanta textile” масъулияти чекланган жамиятини ташкил этди.

Туркиялик ҳамкор киритган 300 минг АҚШ долларилик инвестиция ҳисобига дастгоҳлар, тикув машиналари ўрнатилди. Дастлаб 30 нафар хотин-қизларнинг бандлиги таъминланган бўлса, бугун уларнинг сони 140 дан ошди.

Корхонада хорижий буюртмалар асосида трикотаж маҳсулотлари тайёрлан-



моқда. Малакали дизайнер-мутахассислар замон талабига мос андозаларни

яратишаётганда, албатта, мавсумга, иқлимга ва ўзига хосликка алоҳида эътибор

қаратишмоқда. Бу ерда ходимларга қулай меҳнат ва дам олиш шароитлари яратилган, уларнинг ишга келиб-кетишлари учун махсус автобуслар ажратилган, бир маҳал иссиқ овқат билан таъминланишган.

– Ҳозирда кийим-кечак қисмларини тикияпмиз, – дейди фаол ишчилардан бири Муножат Ботирова. – Бир кунда шунинг ўзидан 300-400 тасини тайёрлайман, улар текис ва бежирим чиқиши учун бор маҳоратимни ишга соламан.

Яна бир ишчи Садоқат Назарова тикувчиликка меҳри баландлиги, яқинда шу корхонага ишга жойлашгани,

ҳозирда спорт кийимларини тикаётганини айтиб ўтди.

“Lavanta textile” масъулияти чекланган жамиятида пахтадан тикилаётган маҳсулотлар Россия Федерацияси, Қозоғистон, Туркия каби давлатларга экспорт қилинмоқда. Корхона иш юритувчиси Муҳриддин Абубакировнинг маълум қилишича, мутахассислар дунё бозорини ўрганишмоқда, янги маҳсулотлар устида изланилапти. Тузилажак шартномалар учун ишлаб чиқариш қуввати етарли. Йил охирига қадар яна 50 та ишчи ўрни яратиш режалаштирилган.

Маҳиёра БОЙБОБОВА.

Ёдингизда бўлса "XXI asr" газетасининг шу йилги 32-сониди (санаси 3 август) журналист Рўзимбой Ҳасаннинг "Анна Герман Урганчнинг "ўғай" қизи(ми)?" сарлавҳали танқидий мақола босилиб чиққач, анчагина шов-шувларга сабаб бўлди. Боиси, жуда қисқа муддат ичида Хоразм вилояти ҳамда Урганч шаҳри ҳокимликлари матбуотдаги бу асосли чиқишга эътибор қаратиб, мақолада кўтарилган муаммони ижобий ҳал қилишди. Албатта, масъулларга ташаккур айтиш керак.

Танқидий мақоламизда Ўзбекистон Республикаси Бош вазирининг 2021 йил 3 май санасидаги "31/1-990" рақамли чора-тадбирлар режасининг 32-бандида Урганч шаҳридаги 1-сонли болалар мусиқа ва санъат мактабига Анна Герман номини бериш ва ҳовлисида ёдгорлик ўрнатиш белгиланган бўлса-да, ўтган икки йилдан ортиқ вақтда бу масалага эътибор қилинмаётгани тилга олинган.

Урганч шаҳар ҳокими зудлик билан фармойиш чиқариб, ҳайкални тайёрлашга ва ўрнатишга кетадиган тегишли маблағни ажратди ва 25 августда — Анна Герман вафот этган куни ёдгорлик ўрнатилди!

Яхши-я! Албатта. Қувонмай бўлади-ми!

Буни қувонч билан ёзаётганимиз сабаби — сўнгги йилларда идора-ташкilotлар, маҳаллий ҳокимликлар вақтли матбуотда чоп этилаётган танқидий чиқишларга эътиборсизлик билан қараб келаётгани инкор қилиш қийин бўлган ҳақиқат эди. Бирор тумандан тайёрланган танқидий материал хусусида матбуот хизмати раҳбарига боғланишимизга тўғри келганда, одатда, улардан бир хил қолипдаги жавобни эшитишга ўрганиб қолганмиз: "Ия, қачон чиқди? Хабарим йўқ экан!"

Президентимиз фармони билан идора-ташкilotлар, туман ҳокимликларида матбуот хизмати ташкил қилинганга тўрт йилдан ошиб қолди. Бу хизмат зиммасига оммавий ахборот воситалари ҳамда ижтимоий тармоқларда ойдинланаётган танқидий чиқишларга муносабат билдириш вазифаси биринчи навбатда юклатилганди. **Аммо минг таассуфки, аксарият тизимлардаги матбуот хизматлари "ўзларининг**

...Матбуот (Ахборот) хизмати раҳбари бўлган бир танишимиз қизиқ гапни айтиб қолди: "Бизлар биринчи навбатда юртимиз шаъни, обрўсини сақлашимиз керак. Ижтимоий тармоқлардаги ҳар бир нарсани дунё кузатади. Айниқса, танқидга мойилроқ чиқишларни одамлар киприк қоқмай ўқийди. Кўпчилик деярли мақтов ва ижо-

томонидан белгиланган вазифалар ижро қилинмаётгани, асоссиз пайсалга солинаётгани ҳақида бонг уради матбуот.

Баъзан кўзимиз тушади: ҳатто исми-шарифини чала-чулпа ёзадиган ўзини блогер деб атайдиган шоввоз қайсидир маҳаллага тортилган ичимлик сув қувури бехос ёрилгани ҳақида (бош-

факт ва рақамларга асосланган танқидий чиқишга тезкор эмас, ўз муддатида, яъни қонунда белгиланган тартибда муносабат билдириш ўша, давлатдан отнинг калласидай маош олиб, нуқул мурасасозлик қилаётган матбуот хизматининг тушига ҳам кирмайди.

Янада қизиғи, танқидий чиқишларимиз таъсирчанлигини ошириш мақсадида, биз ўша материалларимизни ижтимоий тармоқларга жойлаб борамиз. Кузатувчилар бу ҳаволаларимизга имкон қадар ўз муносабатини ҳам билдиради, ҳатто айримлари қизиқонлик қилиб, масъуллар шаънига нордонроқ сўзларни ҳам ёзишади. Худди ана шундай пайтда ўз раҳбари атрофида "Хитой девори" қуриб олган "содиқ ҳимоячи" — матбуот хизмати "тирилиб" қолади. Бу "жонланиш" исботи у қўнғироқ қилиб, ўша мақолани ижтимоий тармоқдан олиб ташлашни илтимос қилиш билан якунланади...

Бундай икки хил стандарт қачонгача давом этади? Ким бу саволга жўялироқ жавоб беради?

## МАТБУОТ ХИЗМАТИГА



**биринчи навбатдаги вазифаси сифатида ижтимоий тармоқлар (ҳатто айрим хорижий ва маҳаллий ОАВ ҳамда сайту телеграм гуруҳлари)да бўлар-бўлмас, у асослими, асоссизми, барибир, чиққан бўлса тамом, танқидий чиқишларга тезкор муносабат билдириш" деб билишадди.**

Матбуот хизматлари масъуллари эрта-ю кеч планшета қўл телефонларидан нигоҳларини узмай ўтиради: хўш, қани, қайси тармоқда ўз тизими, худудига алоқадор бирор нохушроқ "негатив" нарсачиқибди, шуни назорат қилиш билан овора-ю сарсонлар!

Ва ҳатто техника тараққиёти шароитида ҳозир кун бўйи телефонга термилиб ўтириш шарт эмас, унга махсус дастур ўрнатиб, ўз тумани ёки тизими атамасини киритиб қўйишса... қарангки, қайси тармоқда бирор нарсачиқибди, ҳамма ҳаволалар чиқиб келаверади.

Лекин буни қарангки, ўша дастурга ОАВ киритилмаган. Босма нашрлар, радио ва телевидение ҳам "унутилган".

бий нарсаларни ўтказоради, аксинча, кўнгилсиз воқеалар тез тарқалади. Мабодо бизнинг идорамиз номи келтирилган тўрт қатор танқидийроқ нарсачиқса, урди Худо, шу заҳоти тўполон бошланади. Қандай қилиб бўлсаям яшин тезлигида "андаваланган" муносабат билдирмасак, уйимиз куяди. Нима эмиш, бундай чиқишларга бефарқ бўлсак... унда юртимиз имижига путур етади. Газеталар эса мамлакат ичида тарқалади, яна адади оз..."

Фикрлашга қаранг! Ана сизга савия, ана сизга даража!?

**Вақтли матбуот ҳеч қачон танқидий чиқиши орқали мамлакат обрўсини тўкишни ўз олдига мақсад қилиб қўймаган, қўймайди ҳам.** Қолаверса, қайсидир туман ҳокими ёки ташкilot мамлакат имижини белгиламайди. Ҳар бир танқидий чиқиш ортида муаммосига ечим излаган мустақил давлатимиз фуқароси бор, халқнинг бир вакили бор, ИНСОН бор ахир! Қай бир туманда ислохотларнинг пайсалга солинаётгани, давлат раҳбари имзолаган фармон ва қарорлар ёки ҳукумат

қа мавзуларни қўяверинг, йўл-транспорт ҳодисаси, жанжал-тўполон, куракда турмайдиган ҳақоратли видеолар ва ҳоказо...) оғиз кўптириб, яна "Ҳой, ҳоким, прокурор ва бошқа мутасаддилар, қаердасиз, ҳаммангиз ухлаб ётибсизларми?" деган саводсизларча ёзилган, лекин ваҳимали сарлавҳа билан ижтимоий тармоқда чиқиш қилади ва... Орадан уч-тўрт соат ўтар-ўтмас, худди ўша вилоят-туман-шаҳар ё қайсидир номи от хуркирадиган идора матбуот хизмати "ўша камчилик тезкорлик билан тузатилгани" ҳақида ахборот-хабарча эълон қилади. Бу ёқда эса босма нашрларда ўша туманда тадбиркорлар ўз лойиҳаларини амалга ошириш учун йиллаб кредит ололмаётганлари, ишлаб чиқаришни йўлга қўёлмай, бор маҳсулотни ҳам сотолмаётганликлари учун қарзлар кундан-кун "болалаб" бораётганидан норози бўлишаётгани ёки қайсидир юртдошимизнинг ҳақ-ҳуқуқлари бузилаётгани, бир-биридан фарқ қилмайдиган "идораларро "отписка"лардан одамларнинг ҳафсаласи пир бўлаётгани ҳақидаги жиддий,

**“ Аслида, барча ОАВ вакиллари, шунингдек, ижтимоий тармоқда ўзининг холис ва адолатли сўзини айтмоққа ҳаракат қилаётган инсонларнинг эзгу мақсади, ёруғ нияти битта: у ҳам бўлса, шу озод Ватанимизнинг нурли келажиги, истиқболи, Президентимиз таъбири билан айтганда, жонажон халқимизни рози қилишдир.**

Демак, бу жабҳада тоифа ёки тарафларга ажратиш яхшиликка олиб бормайди.

**Норқобил ЖАЛИЛОВ, Ўзбекистонда хизмат кўрсатган журналист, "XXI asr" газетаси Бош муҳаррири.**

("Хуррият" газетасининг 2023 йил 4 октябрдаги 38-сонидан олинди).



**Фарғона шаҳар тиббиёт бирлашмаси тасарруфидаги соғлиқни сақлаш муассасаларида узоқ йиллар меҳнат қилган, юзлаб беморлар дардига шифо бахш этган меҳнат фахрийлари бир дастурхон атрофига тақдир қилинди. Фарғона шаҳар ҳокими ўринбосари Юсуфжон Юсупов ва бирлашма бошлиғи Ҳамидулло Турдиев устозлар шаънига самимий фикрлар билдирдилар.**

Тадбирда шифокорлар Шавкатжон Эрматов, Раънохон Давидбоева, Насибхон Қодирова, Файратжон Маматқулов сўзга чиқиб, эътибор ва эъзоз учун ўз ташаккурларини айтиб ўтишди.

Тантана чоғида бир гуруҳ тиббиёт ходимларига Фахрий ёрликлар топширилди.

Шамсиддин ҚОРАБОЕВ олган сурат.

## ПРЕСС-ТУР:

## АГАРКИ, ЙЎЛ СОЗ БЎЛСА...

**Фарғона вилоятида 19 941,5 километр автомобиль йўллари мавжуд бўлиб, унинг умумий фойдаланишдаги қисми 4022 километрни, ички хўжалик йўллари, шаҳар ва қишлоқ аҳоли пунктлари кўчалари – 15 919,5 километрни ташкил этади.**

Вилоятда йўл инфратузилмасини яхшилаш бўйича тизимли ишлар олиб борилмоқда. Бу борада бир неча йўналишлардаги лойиҳалар ишлаб чиқилган ва улар босқичма-босқич амалга ошириб келиняпти. Жумладан, жорий йилда 969,3 миллиард сўм маблағ эвазига 2104,3 километр узунликдаги автомобиль йўлларини реконструкциялаш ва таъмирлаш режалаштирилган. Ҳозирги кунга қадар, 894,6 миллиард сўмлик қурилиш-таъмирлаш ва монтаж ишлари бажарил-

ди. Бу билан 1999,0 километр автомобиль йўллари тартибга келтирилди.

Ўзбекистон Республикаси Автомобиль йўллари қўмитаси томонидан Фарғона вилоятида вилоят ОАВ ходимлари иштирокида ўтказилган пресс-турда қўмитанинг Фарғона вилояти бош бошқармаси бошлиғи Абдулбоқи Иззатиллаев юқоридаги маълумотларни келтириб ўтди. Шунингдек, соҳадаги ислохотлар жараёни, йил охирига қадар амалга ошириладиган лойиҳалар, йўл-



созларга яратиб берилаётган шарт-шароитлар ҳақида ахборот берилди.

Таъкидланганидек, биргина сўнгги икки ойда "ташаббусли бюджет" лойиҳаси бўйича 53,5 миллиард сўм ўзлаштирилиб, 133,8 километр автомобиль йўллари созилди, янгитдан қурилди, қисман таъмирланди. Инвестиция дастури доирасида эса 8,1 километр узунликдаги йўлларда 16,4 миллиард сўмлик ишлар бажарилди. Вилоятда йўл корхоналари моддий-техника базасини ривожлантириш мақсадида шу йили 9 та автосамосвал махсус техникалари харид қилинди.

Пресс-тур иштирокчилари

давлат аҳамиятидаги "Фарғона ҳалқаси" йўлининг Олтиариқ тумани ҳудудидан ўтувчи 252 – 259 километр қисмида олиб борилаётган таъмирлаш ишлари билан бевосита танишдилар. Йўлсозлар билан мулоқотда бўлдилар.

Шу ерда вилоятда автомобиль йўллари қурилиши бўйича тақдимот ўтказилди. Бош бошқарма бошлиғи ўринбосари Жаҳонгир Шаропов, "Қўқон йўл қурилиш" МЧЖ раҳбари Мусоҳон Ҳусанов, қўмита матбуот хизмати бошлиғи Нилуфар Жумаева "Фарғона ҳалқаси", Фарғона шаҳар катта ҳалқа йўли, "Учуй – Олтиариқ – Чимён – Водил", Ёзёвон ва Фарғона туманлари ҳудудидаги "Янги

Ўзбекистон" массивларининг ички ва ташқи автомобиль йўллари қурилиши бўйича маълумот бердилар.

– Йўлнинг инсон ҳаётида тутган аҳамияти ҳақида кўп гапириш мумкин. Буни йўл азобини тортган, йўлсизлик ёки ёмон йўл туфайли қийналган ҳар бир одам яхши билади, – дейди Жаҳонгир Шаропов. – Йўлсозларимиз зиммаларидаги вазифани бажариш, йўлларни сифатли қуриш билан автомобиль йўлларида юзага келаётган тирбандликлар ва йўл-транспорт ҳодисаларининг олдини олишга катта ҳисса қўшмоқдалар. Бу йил жами 1922 километрдан ортиқ ички йўлларнинг асфальтлаштирилгани давлат томонидан соҳага эътибор қанчалик юқорилигини кўрсатиб турибди.

Журналистлар аънаанага айланган Ўзбекистон Республикаси Автомобиль йўллари қўмитаси раиси кубоги учун мини футбол бўйича аънавий турнирнинг финал босқичини кузатдилар ва фолларни тақдирлаш маросимида иштирок этдилар.

Мазкур мусобақа якунига кўра, бош совринни Фарғона жамоаси қўлга киритди. Улар финалда сирдарелик ҳамкасбларини доғда қолдиришди.

Пресс-турда ОАВ ходимлари ўзларини қизиқтирган саволларга тўлақонли жавоб олдилар.

**Рустам ОРИПОВ.**



## ХОНҚИЗНИНГ ШОИРТАБИАТ ФАРЗАНДИ

(Бадиа)

Бу шоиртабиат инсонни кўпчилик танийди, билади, кўрган ё эшитган. Оддий, камтар, самимий, очикқўнгил – улуғ инсон зотидаги фазилатлар мужасам қалбида. Шеър ёзади. Ёзганда ҳам оз ёзади, аммо соз ёзади.

Ҳа, Мавлоно Адҳамбеков ўзимизнинг шоир, дейдиганлар кўп туманда. Уни йўқлаб хонадонига бориб тураман. Сухбат авжига чиқади, шеърхонликка уланиб кетади. Дилим ғашлангани – Мавлоно 3-4 йилдан буён бир жойда. Лекин у ҳаётнинг бу аччиқ қисматидан асло нолимайди.

Бу сафар ҳам бамайлихотир сухбатлашдик. Туман янгиликлари, соҳалардаги ютуқлар, адабий олам шукухи мулоқотимиз мавзуга айланди. Сўнгра шеърый дурдоналаридан ўқий бошлади.

## ВАТАН

*Онам ётган шу тупроқ,  
Отам ётган шу тупроқ,  
Пахтасидек кўнгли оқ  
Яхшиям борсан, Ватан!*

*Жаранг-ла қўлда торим,  
Бировга йўқдир зорим,  
Шавкату шоним, орим  
Яхшиям борсан, Ватан!*

*Дашт-чўлинг менга макон,  
Тинч бўлсин ёруғ жаҳон,  
Керак бўлса берай жон,  
Яхшиям борсан, Ватан!*

## АЛИШМАСМАН

*Гуллар тўшанг, "муствақиллик"  
Деган сўзнинг пойига.  
Алишмасман ҳеч нарсани  
Ўзбегимнинг чойига.*

*Фарғона – онажоним,  
Сен менинг ширин жоним,  
Сенда тугилиб ўсдим,  
Гулла, Ўзбекистоним.*

*Бу газал бўстонида  
Юртимга ҳавасим ортар.  
Чимён, сенинг бағрингда  
Ҳазрат Ҳувайдо ётар.*

*Буркансин она юртим,  
Қордек оппоқ шойига,  
Шеърлар битар Мавлоно  
Ватанимнинг пойига...*

Мавлононинг ўғли Ойбек дадасининг жону дили, қўл-оёғи. Доимо падари бузрукворининг кўнглини шод этгиси келади. Бир жойда бўлиб қолган ота раъйига қарайди, кўнглини кўтаради, дуосини олади. Эрта баҳор Хонқиз қир-адирларига олиб чиқса, ёзда салқин жойларга, зиёратгоҳларга боришади, куз фаслида дала "кезатилар".

– Биринчи бригат, деган даламиз бор, жуда гўзал жойлар, – дейди Мавлоно.

– Чигит униб чиқдим, ўша далаларга боргим келади. Ёш ниҳоллар худди дорбозлар сакраб юрадиган арконга ўхшаб турнақатор чиқади-да. Кейин бугдой-бошоқ чиқариш онларини соғинаман. Ризқ бу! Бориб ўша бошоқларни кўлимга олиб, юртимга, дастурхонларимизга барака тилаб қайтаман. Яқинда пахта очилган чоғда далада бўлдим. Чаман-чаман. Ўзбекнинг миллий бойлигида пахта. Лолақизғалдоқ сайрини хуш кўраман. Рост, далага, кенгликка, ёруғликка, сухбатларга юрагим талпини. Булар танамга куч-қувват беради, буни сўз билан таърифлай олмайман...

Мавлонони эшитяпман-у, алланечук бўлиб кетаман. Кўнглидаги САБР, қалбидаги МЕҲР, юрагидаги ИШОНЧ, вужудидаги ИМОН туйғуларини на сўзда ўлчаб бўлади, на тарозида!

"Яна шеърларимдан ўқийми?", деб қолди Мавлоно хаёлимни бўлиб. Бажонидил рози бўлдим.

ОРТИҚЧА ЗЕБ БЕРМА  
ЎЗИНГА

*Ишонма ҳеч кимга, ҳатто ўзингга,  
Бир текис терилган маржон сўзингга.  
Кирган нафас чиқмас, ҳақиқатдир бу,  
Тупроқ тўлади бир кун кўзингга.*

*Ортиқча зеб берма асло ўзингга,  
Меҳр бергин доим ўғил-қизингга.*



*Қараб қўйгин босиб ўтган изингга,  
Шунда ёмон сўз айтмас биров  
юзингга.*

*Беш кунлик бу дунё асли талатўп,  
Қувончлари бисёр, таъвишлари кўп.  
Чин инсон бўлсанг гар, гам бўлар йироқ,  
Бахтли яшагайсан, умринг ўтар хўб.*

Мавлоно шоирликка асло даъвогар эмас. Лекин шеър ёзгани ёзган, шеър ўқигани ўқиган. Шунда у ором олади, шунда у юрак чанқоғини босади, шунда у ахтарганини, излаганини, истаганини топгандек бўлади.

**Собиржон  
ДАДАХЎЖАЕВ,  
"Водил ёғдуси" газетаси бош  
муҳаррири.**



**Жума сабоқлари**

Убайдулло қори  
**АБДУЛЛАЕВ:**

**“ЖИНОЯТ  
ВА ГУНОҲНИ  
ТЎХТАТИШ,  
ХАБАР БЕРИШ –  
ФАРЗ!”**

– кўрқоқлик. Шундай ҳолатларнинг олдини олиш учун Пайғамбаримиз (с.а.в.) айтганларидек, тилимиз ишлаши керак. Яъни, тилни ишлатиб мурожаат қилиш мумкин бўлган жойларга хабар беришимиз лозим. Ана ўшанда зиммамиздаги масъулият соқит бўлади. Бўлмаса ўша жиноят, гуноҳга биз ҳам шерик бўлиб қолишимиз назарда тутилган ушбу ҳадисда. Астафйруллоҳ, Оллоҳ ўзи сақласин.

**Бориб хабар берган кишиларга баъзида “чақимчи”, “қулоқ” каби нохуш сифатлар беради айрим одамлар. Бу иш бизни иймонимиздан, ғайратимиздан, Ватанга бўлган муҳаббатимиздан, миллат севишликдан қайтармоқчи бўлганларнинг ноҳақ иддаосидир. Агар кимда ким шундай атамалардан чекланиб, мусулмонлик зиммасидаги масъулиятни адо этмаса, юқоридаги ҳадисга кўра иймони ўта заиф инсонга айланиб қолади.**

Ҳадисларда айтилишича, иймони заиф одам жаннатдан узоқлашиб, дўзахга яқинлашиб қолади. Кўрдикки, жамият иқтисодиётига зарар келтирувчи жиноят содир этиляпти. Ёки бир неча безори бир шахсни дўппослаяпти. Бориб уларни ажратишга қурбимиз етмайди, шунда ҳам мени чақимчи демасин деб индамай ўтиб кетаверамизми, ҳеч қаерга мурожаат қилиб хабар бермаймизми? Агарки, кичик бир нарсага кўз юмиб ўтиб кетаверсак, эртага каттароғига ҳам кўз юмиб ўтадиган бўлиб қоламиз. Натижада жамиятда парокандалик, зўравонлик, ҳақсизлик кучаяди. Осойишталикка пуртур етади. Шунинг учун ҳам динимиз, шариатимиз “Амру маъруф наҳри мункар”, яъни яхшиликка буюриш, ёмонликдан қайтаришни фарз қилиб қўйган. Бу суннат ёки мустаҳаб эмас, фарз амалидир.

Ҳар бир мусулмон, фуқаро жамиятимиз, юртимиз тараққиётига кушанда бўлаётган жиноят ва гуноҳга нисбатан имкон топиб, қўл билан, ёинки сўз билан олдини олишга бефарқ бўлмамлиги лозим. Бефарқ бўлмамлиқ, бу – бизнинг ғуруримиз, иймонимиз, Оллоҳ олдидаги мажбуриятимиз ҳамдир.

Оллоҳ барчамизга ана шундай ғайрат-шижоат ва иймонни насиб этсин.

**Жиноятчиликни камайтиришнинг муҳим омиллари нималарда ифодаланади? Жиноят ҳақида тегишли идораларга хабар бериш жамиятни соғломлаштиришга хизмат қилиши ёки чақимчилик? Бу каби ғоят нозик масалаларда динимиз уламолари нима дейдилар? Шу саволларга Ўзбекистон Мусулмонлари идорасининг Фарғона вилоятидаги вакили, вилоят бош имом-хатиби Убайдулло қори Абдуллаев жавоб берадилар.**

– Уламоларимиз айтадики, жамият гўё денгизда сузиб кетаётган кема ва сузиш давомида ундаги одамларнинг тақдири бир. Агарки, уларнинг қай бири кемага шикаст етказса, буни кўриб турган атрофдаги одамлар бу ҳақда масъулларни хабардор қилмасалар ва уларнинг иштирокида шикаст бартараф этилмаса, кемадагиларнинг барчаси фарқ бўлади, деганлар. Пайғамбаримиз (с.а.в.) марҳамат қиладиларки, сизлардан қай бирингиз мункар, яъни ноқонуний, шаръий нуқтаи назардан айтадиган бўлсак, гуноҳ ишни кўрсаларинг, уни қўлларинг билан қайтаринглар. Қўлларинг билан қайтара олмасаларинг,

тилингиз билан қайтаринг, деганлар.

Қандай қилиб гуноҳ ишни қилаётган одамни тили билан қайтаради?

Бу ҳадисда гуноҳдан хабардор одам қўли билан гуноҳкорни бу ишдан қайтара олмаса, унга насиҳат қилиб қайтариши лозимлиги, насиҳат билан ҳам қайтара олмаса, масъул шахсларга ёки идораларга хабарни тўла-тўқис етказиб қўйиши билан жиноят ёки гуноҳ ишнинг олдини олишлик мажбуриятини адо этган бўлар экан. Шу муборак ҳадис билан Пайғамбаримиз (с.а.в.) жиноят ҳақида хабар беришни очиқ-ойдин буюряптилар.

Агарки, бунга ҳам қодир бўлмаса,

қалби билан ёмон кўрсин, дедилар. Аммо қалб билан ёмон кўриб, тескари қараб кетаверишлик иймоннинг энг заифи дедилар. Афсуски, мен мусулмонман деган баъзи диндошларимиз содир этилаётган жиноятни ёки гуноҳни кўра-била туриб, нима бўлса бўлар, менга нима, деб ўтиб кетмоқдалар ва бу аслида шу жиноятга шерикликни билдиради. Пайғамбаримиз (с.а.в.) яна марҳамат қилдиларки, бир маъсият, жиноят, гуноҳга рози бўлиб туришнинг ўзи баъйни ўшани қилиш билан баробардир. Ҳолбуки, бугунги замонда жиноятчиликнинг олдини олувчи идораларнинг ишонч телефонлари ҳаммага маълум. Халқимиз кимга, қаерга, қандай мурожаат қилишни яхши билади.

Пайғамбаримиз (с.а.в.) айтдиларки, Оллоҳ ғайратий, мен ҳам ғайратийман. “Ғайратий” деганда шижоат, урушда энгилмасликгина тушунилмайди. Кўпчиликнинг ҳақиқа хийнат қилинадиган, мазлум бир шахс топталаётган соатда тек қараб туришлик – бу ғайрат эмас. Бу

**ҚИЛМИШ - ҚИДИРМИШ**

**АЁЛ ЖИНОЯТ  
СОДИР ЭТДИ**

**Фарғона шахрининг “Совурбулоқ” маҳалласида яшаб келган З.Тоирова хонадонига меҳмон сифатида келган таниши Б.Юсупов билан ўзаро гап талашиб қолади. Жанжал авж олиб, мезбон қуюшқондан чиқиб кетади ва ўткир тигли ошхона пичоғи билан меҳмоннинг бада-нига оғир тан жароҳати етказди.**

Мазкур жиноий иш бўйича ўтказилган суд-тиббий экспертизаси ҳулосасига кўра, тиг Б.Юсуповнинг чап ўпкасини шикастлаб, унинг ҳаёти учун хавфли бўлган оғир шикаст етказган.

Жиноят ишлари бўйича Фарғона шаҳар суди айбланувчига нисбатан жазо тайинлашда, жазони энгиллаштирувчи ҳолатлар сифатида унинг шахси, аёллиги, ёши, муқаддам судланмагани, ҳомиладор экани, оилавий шароити, жабрланувчининг моддий ва маънавий зарарлар юзасидан даъвоси йўқлиги, айбига қисман иқдор ва қилмишидан чин кўнгилдан пушаймонлиги ҳамда жиноий қилмишини жабрланувчининг ахлоққа зид хулқ-атвори таъсири остида содир этганини инобатга олиб, Ўзбекистон Республикасининг Жиноят кодекси тегишли моддаси билан 4 йил муддатга озодликни чеклаш жазосини тайинлади.

**Аброрхон АКРАМОВ,**  
жиноят ишлари бўйича Фарғона шаҳар судининг судьяси.

**Ҳурматли савдо ташкилотлари  
ва уларнинг вакиллари!**

Ўзбекистон Республикаси Бош прокуратураси ва Хусусийлаштирилган корхоналарга қўмаклашиш ва рақобатни ривожлантириш давлат қўмитасининг қарори билан тасдиқланган ва Адлия вазирлигидан 2018 йил 19 июнда 3024-сон билан давлат рўйхатидан ўтказилган “Ижро ҳужжатлари бўйича мол-мулкни сотиш тартиби тўғрисида”ги Низом талабларига мувофиқ, ижро ҳужжатларига асосан мол-мулкни сотиш бўйича савдо ташкилотлари ўртасида танлов ўтказиш белгиланган.

Бунда, савдо ташкилотларини аниқлаш ташкил этилган танлов комиссияси асосида амалга оширилади.

Танловда қонун ҳужжатларига белгиланган тартибда давлат рўйхатидан ўтган, турғун савдо шохобчаси мавжуд юридик шахслар қатнашишлари мумкин.

Танлов Бош прокуратура ҳузуридаги Мажбурий ижро бюросининг Фарғона вилояти бошқармасида 2023 йил 5 ноябрь куни ўтказилади.

Савдо ташкилотларидан аризаларни қабул қилиш 2023 йил 25 октябрь кунигача амалга оширилади.

Танлов ғолибларини аниқлаш икки босқичда амалга оширилади.

Танлов ҳақида батафсил маълумот бюронинг Mib.uz сайти ҳамда ҳудудий бошқармаларидан олиш мумкин.

**Маълумот учун: Мажбурий ижро бюросининг Фарғона вилоят бошқармаси (73) 244-31-00 телефон рақамига қўнғироқ қилишингиз мумкин.**

**Уважаемые торговые  
организации и их  
представители!**

В соответствии с требованиями Положения «О регулировании реализации имущества по исполнительным документам», утвержденным постановлением Генеральной прокуратуры и Государственного комитета Республики Узбекистан по содействию приватизированным предприятиям и развитию конкуренции, зарегистрированным в Министерстве юстиции под государственным номером 3024 от 19.06.2018 года, предусмотрено проведение тендера среди торговых организаций на реализацию имущества по исполнительным документам.

При этом определение торговых организаций возлагается на созданную тендерную комиссию.

Право на участие имеют действующие юридические лица, зарегистрированные в установленном законодательством порядке и имеющие стационарное торговое предприятие.

Тендер состоится 5 ноября 2023 года в Ферганском областном управлении Бюро принудительного исполнения при Генеральной прокуратуре.

Прием заявок от торговых организаций производится до 25 октября 2022 года.

Победители тендера будут определяться в двух этапах.

Подробную информацию о тендере можно получить на сайте Бюро mib.uz и в территориальных управлениях БПИ.

**По вопросам обращаться по телефону: (73) 244-31-00 Ферганского областного управления Бюро принудительного исполнения.**

# ХЎҚАНДИ ЛАТИФДА ШУНДАЙ МУЗЕЙ БОР

**Қўқон – Фарғона вилоятининг йирик шаҳарларидан бири. Бир ярим аср давомида (1709 йилдан 1876 йилгача) Қўқон хонлигининг пойтахти бўлиб келган. Маҳаллий тарихчи ва археологлар шаҳарнинг ёши 2000 йилдан зиёд деган тахмин қиладилар.**

Қадимий шаҳарга оид дастлабки маълумотлар X аср ёзма манбаларида учрайди. Унинг XVIII асргача бўлган сиёсий тарихи ҳақида маълумотлар жуда оз. Хонлик Россия қўшинлари томонидан забт этилганда, мавжуд архивнинг кўп қисми ташиб кетилган.

Қўқон шаҳри ўзининг кўркамлиги, тарихий бинолари, одамларининг меҳмондўстлиги билан машҳур. Тарихий обидалар билан бир қаторда, янги замонавий бинолар ҳам қад ростлаган. Шундай мухташам иншоотлардан бири Янги Чорсу ҳудудида жойлашган Буюк алломалар музейидир.

Музей ва унга ёндош бўлган Қўқон муסיқали драма театри бинолари республика давлат мукофоти лауреати, меъмор Серго Сутягин лойиҳаси асосида 1989 йилда қурилган. Музей 1989 – 2017 йиллар давомида Фафур Фулом номидаги вилоят адабиёт музейи филиали Ҳамза Ҳакимзода Ниёзий музейи сифатида фаолият кўрсатган. 2018 йилдан бошлаб, Қўқон давлат музей-қўриқхонаси филиали Буюк алломалар музейи деб юритилади.

Музей Ўзбекистон Республикаси Президенти Шавкат Мирзиёевнинг 2017 йил июнь ойида Фарғона вилоятига ташрифи чоғида берган топшириқларига асосан барпо этилган ва 2019 йил 14 сентябрда “Халқаро хунармандлар фестивали” кунлари расман очилган.

Мухташам бино 3 қаватдан иборат. Музей экспозицияси 5 бўлимдан ташкил топган. 1-бўлим “Илк ўрта асрларда Ўрта Осиёда илм-фан ва маданият” деб номланади.



Бу бўлимда VII-XII асрларда минтақадан етишиб чиққан ва дунё фанига бекиёс ҳисса қўшган алломалар Мусо ал-Хоразмий, Абу Наср Форобий, Абу Райхон Беруний, Абу Али ибн Сино, Аҳмад ал-Фарғоний, тасаввуф алломалардан – буюк ҳадисшунос Имом ал-Бухорий, Имом ат-Термизий, Имом ал-Мотуридий, Бурҳониддин Марғиноний, Маҳмуд аз-Замашарий, Аҳмад Яссавий, Юсуф Хос Хожиб,




Маҳмуд Қошғарий каби буюк инсонлар ҳаёти, илмий-ижодий фаолиятига оид маълумотлар, улар яратган асарларнинг ноёб қўлёзма нусхалари жойлаштирилган. Шунингдек, экспонатлар қаторидан “Буюк ипак йўли” харитаси, Аҳмад Фарғоний томонидан Нил дарёсига сув сатҳини ўлчаш мақсадида қурилган “Миқёсаи Нил” (Нилометр) асбобининг макети ҳам ўрин олган.

2-бўлим “Темурийлар даври илм-фани ва маданияти” деб номланиб, бўлимда XIV- XV асрларда яшаб ижод этган буюк саркарда Амир Темури, Саъдуддин ат-Тафтазоний, Мирзо Улуғбек, Камол Хўжандий, Алишер Навоий, Заҳириддин Муҳаммад Бобур ҳамда Нақшбандия тариқатининг етакчиларидан бўлмиш Хўжа Аҳрор Валий ва Маҳдуми Аъзам ҳақидаги маълумотлар, буюк темурийлар даврида

яратилган осори атиқалар, ноёб қўлёзма китоблар, мис тангалар, қадимий миллий уй-рўзгор буюмлари жой олган.

3-бўлимда Қўқон хонларидан бири Амир Умархон асос солган “Қўқон адабий муҳити” ва унда фаолият юритган Хувайдо, Садоий, Увайсий, Нодирабегим, Амирий, Фазлий, Мухйи, Муқимий, Фурқат, Ҳазиний, Яйфоний, Гулҳаний, Ҳакимхон Тўра, Азимий, Низомий Хўқандий каби шоирлар ҳаёти ва ижодларидан намуналар келтирилган. Улар томонидан



ёзилган ноёб қўлёзма китоблар ҳам ўрин олган. Бўлим намойишгоҳдан XVIII асрда Қўқонда мавжуд бўлган мадрасалар харитаси ҳам жой олган.

Музей 2-қаватининг 4-бўлими ўнг томонида Туркистонда жадидчилик ҳаракати ва унинг буюк намояндalarидан Маҳмудхўжа Бехбудий, Абдурауф Фитрат, Абдулла Авлоний, Ашуралӣ Зоҳирий, Иброҳим Даврон, Исҳоқхон Ибрат, Ҳамза Ҳакимзода Ниёзий ҳаёти ва фаолиятига бағишланган маълумотлар жойлаштирилган. Шунингдек, Қўқон мадрасалари ҳақида умумий маълумотлар жамланган жадвал ҳам мавжуд.

Қўқон қадимдан хунармандчилик маркази бўлган. Мисгарлик, ўймакорлик, заргарлик, кулолчилик, қоғозгарлик, дўппичилик, каштачилик, бадий тўқимачилик каби миллий хунар турлари кенг ривожланган. Айниқса, газмоллар Шарқда ва Россияда машҳур бўлган. Қўқон қоғози хунармандчиликнинг алоҳида тармоғи сифатида ном қозонган. Рус тадқиқотчиси Алексей Федченконинг таърифлашича, 1871 йилда Ўрта Осиёдаги энг сифатли қоғоз Қўқонда ишлаб чиқарилган. 4-бўлим чап томонидаги хунармандчилик намойишгоҳида миллий хунармандчиликнинг ана шу турлари намуналари ҳамда шаҳарда мавжуд бўлган қоғоз ишлаб чиқариш устахонасининг макети намойиш этилган, хаттотлик мактаби намояндalari ижодларидан намуналар кўйилган.

Музей биноси 3-қаватидаги 5-бўлим деворига ёғоч ўймакор устаси Салимжон Эргашев томонидан буюк аллома Алишер Навоий таваллудининг 550 йиллик юбилейига бағишлаб яратилган, ёнғоқ дарахтидан ўйиб ишланган панно кўрк бериб турибди. Бу бўлимда XX асрда Фарғона

водийсидан етишиб чиққан улғў олимлар, Ўзбекистон Фанлар Академияси академиклари Қори Ниёзий, Муҳаммаджон Урозбоев, Теша Зоҳидов, Жўра Саидов, Убай Орипов, Авлиё Муҳаммадиев, Мирзаали Муҳаммаджонов, Раҳима Аминова, Содиқ Азимов, Пўлатжон Қаюмов, Боқий, Мамажон Раҳмонов, Азиз ва Лазиз Қаюмовлар, Фанижон Абдурахмонов, Музаффар Хайруллаев ва бошқаларнинг ҳаёти, илмий ижодий фаолиятини акс эттирувчи маълумотлар, уларнинг сулоласи яратган ўймакор стол ва стуллар, эсдалик совғалари намойишга қўйилган.

Қўқон ёғоч ўймакорлиги қадимдан ривожланган хунар тури бўлиб, музейнинг барча қаватларидаги намойишгоҳларда машҳур ёғоч ўймакор уста Қодиржон Ҳайдаров ва унинг сулоласи яратган ўймакор стол ва стуллар, эсдалик совғалари намойишга қўйилган.

Музей 3-қаватида ташкил этилган кўргазмалар залида XXI аср рассомлари томонидан яратилган асарлар мавжуд. Ноёб экспонатларда ўзбек, рус ва инглиз тилларида маълумотлар берилган. Бундан ташқари, замонавий аудиогидлар билан таъминланган. Ҳар бир қаватда ўша давр алломалари ҳақидаги видеофильмлар намойиши учун телевизорлар ўрнатилган. Бинода “Алломалар ворислари” номли ўқув-ахборот маркази ташкил этилган. Бу марказ илмга ва ижодий фаолиятга қизиқувчи ёшлар учун маҳорат мактабидир.

Музей ташкил топганига кўп бўлгани йўқ, лекин у ташриф буюрувчиларда катта таассурот қолдирмоқда.

**Муаззамхон МАҲМУДОВА,**  
Қўқон давлат музей-қўриқхонаси филиали Буюк алломалар музейи катта илмий ходими.

МУАССИС:  
«Farg'ona haqiqati» va  
«Ferganskaya pravda»  
gazetalari tahririyati

Бош муҳаррир:  
Рустам ОРИПОВ.

2021 йил 18 августда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги Фарғона вилояти ҳудудий бошқармасида 12-001 рақами билан рўйхатдан ўтган.

Газета “Полиграф-пресс” МЧЖ босмахонасида таҳририятнинг оригинал макети асосида офсет усулида А-3 формат (8 саҳифа)да 1936 нусхада чоп этилди.  
Буюртма № 630. Босмахона манзили: Фарғона вилояти, Марғилон шаҳри, Туркистон кўчаси, 236-«б» уй.

Бизнинг манзил:  
150114, Фарғона шаҳар, Сохибқирон Темур кўчаси, 28-уй.

Бош муҳаррир қабулхонаси: (факс) 73 226-02-70.  
Реклама ва эълонлар: 73 226-71-24.

Саҳифаловчи: Илҳомжон Жуманов.  
Босишга топшириш вақти: 18.00.  
Топширилди: 17.00.

